



二十一史論贊

リ 8  
1899  
16




8  
1899  
16

遼史小引

余覽遼四京記北遼遺事及使遼見聞遼國語解亦既得其大概矣至讀全史愈有以見斯用心之勤也特其三統並列紊夷夏之防是則先王之罪人耳論贊明邇猶有前史遺風故多褒其文辭之佳者

古吳沈國元飛仲題



二十一史論贊目錄

古吳 沈國元 飛仲 批選 子 沈 琦 韓來 較

武林 張 壩 后宗 全閱 新安 汪作霖 雨若 崇川 王奎光 聚此 全叅

遼史

本紀

太祖

太宗

世宗

穆宗

景宗

聖宗

興宗

道宗

天祚帝

志

營衛

閩考

百官

禮

樂

儀衛

食貨

刑法

表

世表

皇子表

二十一史論贊

卷之目錄

二

大宋堂

公主表

皇族表

外戚表

遊幸表

部族表

屬國表

列傳

后妃

義宗平王隆

李胡喜隱

順宗

晉王

耶律曷魯

耶律曷魯蕭敵魯耶律斜捏赤耶律欲穩耶律海里耶律敵

刺蕭痕篤康燧記韓延徽韓知古耶律覲烈耶律鐸臻王

郁耶律曷魯寤

耶律解里耶律拔里得耶律翔古耶律魯不古趙延壽高模

翰趙思溫耶律漚里思張孺

耶律屋質耶律吼耶律安搏耶律注耶律顏昱耶律撻烈  
耶律夷膈葛蕭海瓌蕭護思蕭思溫蕭繼先

宗昉耶律賢適女里郭襲耶律阿沒里

張儉刑抱璞馬德臣蕭朴耶律八哥

耶律室魯王繼忠蕭孝忠陳昭哀蕭合卓

耶律隆運耶律勃古哲蕭陽阿武白蕭常哥耶律虎古

耶律迭哥耶律斜軫耶律奚低耶律學古

耶律沙耶律抹只蕭幹耶律菩補耶律海里

蕭撻凜蕭觀音奴耶律題子耶律諧里耶律奴衣蕭柳高勳

奚和朔奴蕭塔烈葛耶律撒合

耶律合住劉景劉六符耶律裏履牛溫舒杜防蕭和尚耶律

合理只耶律頗的

蕭孝穆蕭蒲奴耶律蒲古夏行美

蕭敬烈耶律益奴蕭排押耶律資忠耶律瑤質耶律弘古高

王耶律的祿大康又

耶律庶成楊哲耶律韓留楊佶耶律和尚

蕭阿剌耶律義先蕭陶隗蕭塔刺葛耶律敬祿

耶律韓八耶律唐古蕭本哲耶律漢里篤

蕭奪刺蕭普達耶律侯哂耶律古昱耶律獨撫蕭韓家蕭烏野

蕭惠蕭迂魯蕭國王耶鐸軫

耶律化哥耶律幹臘耶律速撒蕭阿魯帶耶律那也耶律阿

魯掃古耶律世良

耶古弘古耶律馬六蒲滴冽耶律適祿耶律陳家奴耶律特

麼耶律仙童蕭素颺耶律大悲奴

耶律仁先耶律良蕭寒家奴蕭德蕭惟信蕭樂音奴耶律敵

裂妮景行耶律阿思

耶律幹特刺孩里賓景庸耶律引吉楊績趙徽王觀耶律喜

孫

蕭元納耶律澈劉伸耶律胡呂

蕭巖壽耶律撒刺蕭速撒耶律撻不也蕭撻不也蕭忽古耶

石柳

耶律棠古蕭得里底蕭酬幹耶律章奴耶律木者

蕭陶蘇幹耶律阿息保蕭乙蔭蕭胡篤

蕭奉先李處溫張琳耶律余規

傳



文學

能吏

卓行

烈女

方枝

伶官

宦官

姦臣

逆臣

高麗西夏系治

國語解叙

二十一史論贊遼史

元

脫脫

脩

明

沈國元

閱

本紀

太祖

贊曰遼之先。出自炎帝。世為審古國。其可知者。蓋自竒首云。竒首  
 生都菴山。徙潢河之濱。傳至雅里。始立制度。置官屬。刻木為契。穴  
 地為牢。讓阻午而<sup>大義</sup>不肯自立。雅里生毗牒。毗牒生頽領。頽領生穉  
 里。思大度寡欲。令不嚴而人化。是為肅祖。肅祖生薩剌德。嘗與黃  
 室帝挑戰。矢貫數札。是為懿祖。懿祖生勻德。實始教民稼穡。善畜

牧國以殷富。是為玄祖。玄祖生撒刺的仁民愛物。始置鐵冶。教民鼓鑄。是為德祖。即太祖之父也。世為契丹。遙輦氏之夷。離塵執其政柄。德祖之弟述瀾北征於厥室。常南畧易定。奚霫始興板築。置城邑。教民種桑麻。習織組。已有廣土衆民之志。而太祖受可汗之禪。遂建國。東征西討。如折枯拉朽。東自海。西至於流沙。北絕大漠。信威萬里。歷年二百。豈一日之故哉。周公誅管蔡。人未有能非之者。刺葛安端之亂。太祖既貸其死。而復用之。非人君之度乎。舊史扶餘之變。亦異矣。夫世次為經。政事為緯。覽夫條理。亦云詳核矣。言其國勢。自微小

而之於盛大。言其治法。自草創而至美備。一步拓一步。一層深一層。間架極妙。若夫雅里之讓國於太祖之全弟。尤為敦倫盡義之令德。有唐宋二宗之所不能及者。史不沒善。况其昭昭在人耳目也乎。一冠篇首。一殿章末。結構自爾。巍聳贊中之傑作也。

卷三十五  
一  
二

太宗

贊曰。太宗甫定多方。遠近向化。建國號。脩典章。至於釐庶政。閱名實錄。因徒教耕織。配鰥寡。求直言之士。得郎君海思。即擢宣徽。嘉唐張敬達忠於其君。卒以禮葬。輟遊豫。而納三剋之請。憫士卒而下休養之令。親征晉國。重貴面縛。斯可謂威德兼弘。英畧間見者矣。入汴之後。無幾微之驕。有三失之訓。傳稱鄭伯之善處勝。書進秦誓之能悔過。太宗蓋兼有之。其卓矣乎。

岳舜牧曰。叙議相兼。文勢急迅。有屈注倒連之奇。英雄之主。善動固多。過舉亦不少。勝心為之固也。曰善處。曰能。

悔予之深矣。

世宗

贊曰世宗中才之主也。入繼大統。曾未三年。納唐丸書。即議南伐。既乏持重。宜乖周防。蓋有致禍之道矣。然而孝友寬慈。亦有君人之度焉。未及師還。變起沉湎。豈不可哀也哉。  
一贊只結裹得中才二字。旁皇追寫字字含譏。令人堪嘆堪憐。

二十一

太宗

四

穆宗

贊曰。穆宗在位十八年。知女巫妖妄。見誅。諭臣下濫刑切諫。非不  
入下句有法有力  
 明也。而荒耽於酒。畋獵無厭。偵驚失期。加炮烙鐵梳之刑。獲鴨甚  
 歡。除鷹坊刺面之令。賞罰無章。朝政不視。而嗜殺不已。變起肘腋。  
 宜哉。

小善不足以益大慝。故美少刺多。讀未竟而危廩之形。觸懷而  
 起。性情之理然也。

景宗

贊曰。遼興六十餘年。神冊會同之間。日不暇給。天祿應曆之君。不  
 令其終保寧而來。人人望治。以景宗之資。任人不疑。信賞必罰。若  
 可與有為也。而竭國之力。以助河東。破軍殺將。無救滅亡。雖一取  
 償於宋。得不償失。知匡嗣之罪數。而不罰善。郭龍之諫納。而不用。  
 沙門昭敏。以邪道亂德。寵以侍中。不亦惑乎。  
 呼吸靈捷。詞意嚴警。以瘳冗華。損有暝眩之効。

卷三十三 景宗 六

贊曰。聖宗幼冲嗣位。政出慈闈。及宋人三道來攻。親御甲冑。一舉而復燕雲。破信彬。再舉而躡河朔。不亦偉歟。既而侈心一啟。佳兵不祥。東有茶陀之敗。西有甘州之喪。此狃於常勝之過也。然其踐阼四十九年。理寃滯。舉才行。察貪殘。抑奢僭。錄死事之子孫。振諸部之貧乏。責迎合不忠之罪。却高麗女樂之歸。遼之諸帝。在位長久。令名無窮。其唯聖宗乎。

聖宗

贊曰。聖宗幼冲嗣位。政出慈闈。及宋人三道來攻。親御甲冑。一舉而復燕雲。破信彬。再舉而躡河朔。不亦偉歟。既而侈心一啟。佳兵不祥。東有茶陀之敗。西有甘州之喪。此狃於常勝之過也。然其踐阼四十九年。理寃滯。舉才行。察貪殘。抑奢僭。錄死事之子孫。振諸部之貧乏。責迎合不忠之罪。却高麗女樂之歸。遼之諸帝。在位長久。令名無窮。其唯聖宗乎。

欄

按實而斷辭。褒貶自無過情之病。筆力清銳。豪上一往。莫可遮。



典宗

贊曰。興宗即位。年十有六矣。不能先尊母后。而尊其母。以致臨朝。專政。賊殺不辜。又不能以禮幾諫。使齊天死於弑逆。有虧王者之孝。惜哉。若夫大行在殯。飲酒博鞠。疊見簡書。及其謁遺像而哀慟。受宋弔而衰經。所為若出二人。何為其然歟。至於感富弼之言。而申南宋之好。許諒祚之盟。而罷西夏之兵。邊鄙不聳。政治內脩。親策進士。大脩條制。下至士庶。得陳便宜。則求治之志切矣。於時有君右大臣曾不聞一賢之進。一事之諫。欲庶幾古帝王之風。其可得乎。雖然。聖宗而下。可謂賢君矣。

無臣千古共嘆  
掉合有勁力有餘思有遠韵

一  
言  
卷  
三  
十一  
三  
十一  
十一  
十一

直昭明褒筆嚴斧鉞。字凜風霜董狐南史之亞也。

道宗

贊曰。道宗初即位。求直言。訪治道。勸農興學。救蓄恤患。粲然可觀。及夫謗訕之令。既行。告訐之賞。日重。羣邪並興。讒巧競進。賊及骨肉。皇基寢危。衆王淪胥。諸部反側。甲兵之用。無寧矣。一歲而飯僧三十六萬。一日而祝髮三千。徒勤小惠。蔑計大本。尚足與論治哉。善事類至。惡事類至。其理勢未有不相因者。看史筆寫到及夫謗訕一轉。盡情說透。小聰明用巧用察。釀成殘忍刻薄之禍。幾於裂眦嘔心。以浚戒夫天下後世之為道宗者。不然。往事何足誅也。

贊曰遼起朔野兵甲之盛。鼓行竅外。席卷河朔。樹晉楨漢。何其壯  
 歟。太祖太宗。乘百戰之勢。輯新造之邦。英謀睿略。可謂遠矣。雖以  
 世宗中才。穆宗殘暴。遼遣弒逆。而神器不搖。蓋由祖宗威令猶足  
 以震疊其國人也。聖宗以來。內脩政治。外拓疆宇。既而申固隣好。  
 四境人安。維持二百餘年之基。有自來矣。降臻天祚。既丁末運。又  
 缺人望。崇信姦回。自椽國本。羣下離心。金兵一集。內難先作。廢立  
 之謀。叛亡之迹。相繼蜂起。馴至土崩瓦解。不可復支。良可哀也。耶  
 律與蕭世為甥舅。義同休戚。奉先挾私。滅公首颺。構難一至於斯。

天祚帝

贊曰遼起朔野兵甲之盛。鼓行竅外。席卷河朔。樹晉楨漢。何其壯  
 歟。太祖太宗。乘百戰之勢。輯新造之邦。英謀睿略。可謂遠矣。雖以  
 世宗中才。穆宗殘暴。遼遣弒逆。而神器不搖。蓋由祖宗威令猶足  
 以震疊其國人也。聖宗以來。內脩政治。外拓疆宇。既而申固隣好。  
 四境人安。維持二百餘年之基。有自來矣。降臻天祚。既丁末運。又  
 缺人望。崇信姦回。自椽國本。羣下離心。金兵一集。內難先作。廢立  
 之謀。叛亡之迹。相繼蜂起。馴至土崩瓦解。不可復支。良可哀也。耶  
 律與蕭世為甥舅。義同休戚。奉先挾私。滅公首颺。構難一至於斯。

天祚窮蹙。始悟奉先誤已。不既晚乎。淳雅里所謂名不正。言不順。事不成者也。大石苟延彼善於此。亦幾何哉。贊天祚。乃從原初說來。正以見祖宗創締艱難。而子孫不善。繼述。遂令大業淪喪。誰執其咎乎。故可哀者鄙詞也。既晚者絕詞也。責備之義盡矣。

志

營衛

上古之世。草衣木食。巢居穴處。熙熙于于。不求不爭。爰自炎帝政。衰。蚩尤作亂。始制干戈。以毒天下。軒轅氏作。戮之涿鹿之阿。處則象。吻於宮。行則懸旄於纛。以為天下萬世戒。於是師兵營衛。不得不設矣。冀州以南。滙洪水之變。夏后始制城郭。其人士著而居。綏服之中。外奮武衛。內揆文教。守在四邊。營衛之設。以備非常而已。并營以北。勁風多寒。隨陽遷徙。歲無寧居。曠土萬里。寇賊姦宄。乘隙而作。營衛之設。以為常然。其勢然也。有遼始大。設制尤密。居有

宮衛謂之幹魯。朶出有行營。謂之捺鉢。分鎮邊圉。謂之部族。有事則以攻戰為務。閑暇則以畋漁為生。無日不營。無在不衛。立國規模莫重於此。作營衛志。

印雪浪曰。其意本之易傳。典雅俊潔。可補二十家之所不備。不于戈。不可無營衛。考其所繇起。與其所自詳。原委歷歷。文之極有體裁者。

閏考

月度不足。是生朔虛。天行有餘。是為氣盈。盈虛相懸。歲月乃牒。積牒而差。寒暑互易。百穀不成。庶政不明。聖人驗以斗柄。準以歲星。爰立閏法。信治百官。是故閏正而月正。月正而歲正。歲月既正。頒令考績。無有不時。國史正歲年。以叙事。莫重於此。遼始徵曆。梁唐入晉之後。奄有帝制。乙未大明。曆法再變。穆宗應曆六年。周用顯德欽天曆。十年。宋用建隆應天曆。景宗乾亨四年。宋用乾元曆。聖宗統和十九年。宋用儀天曆。太平元年。宋用崇天曆。道宗清寧十年。宋用明天曆。太康元年。宋用奉元曆。大安七年。宋用觀天曆。天

祚皇帝乾統六年。宋用紀元曆。五代曆三變。宋凡八變。遼終始再變。曆法不齊。故定朔置閏。時有不同。覽者惑焉。作閏考。閏法之妙。所以通盈虛。正歲月。其義詳於大衍。起手數語。便鑿鑿有來歷。此必深於律數之原者。

百官

官生於職。職洽於事。而名加之。後世洽名不究其實。吏部一大宰也。為大司徒。為尚書。為中書。為門下。兵部一司馬也。為大司馬。為太尉。為樞密使。古官名。分今之職事以配之。於是先王統理天下之法。如治絲而棼。名寔淆矣。契丹舊俗。事簡職專。官制樸實。不以名亂之。其興也勃焉。太祖神冊六年。詔正班爵。至於太宗兼制中國。官分南北。以國制治契丹。以漢制待漢人。國制簡朴。漢制則洽。名之風固存也。遼國官制。分北南。院北面治官帳部族屬國之政。南面治漢人州縣租賦軍馬之事。因俗而治。得其宜矣。初太祖

分選刺夷離厓為北南二大王。謂之北南院。宰相樞密宣徽林牙。下至即君護衛。皆分北南。其寔所治。皆北面之事。語遼官制者。不可不辨。凡遼朝官。北樞密視兵部。南樞密視吏部。北南二王視戶部。夷離畢視刑部。宣徽視工部。敵烈麻都視禮部。北南府宰相總之。楊隱治宗族。林牙脩文告。于越坐而論議。以象公師朝廷之上。事簡職專。此遼所以興也。

宋宗玉曰。名實二字不可不辨。語足千古。莫詳於周官。莫古雅於秦漢。遼無足取者。一贊之旨。在事簡職專。二語文字精采。處在辨遼漢官同名異。此志之所以傳也。

禮志

理自天設。情繇人生。以理制情。而禮樂之用行焉。林牙梁獺是生。郊禘。窪尊。燔黍。是生。燕饗。藁瓦。棺是生。喪奠。儻皮。維布。是生。婚冠。皇造。帝秩。三王。彌文。一文一質。益本於忠。變通革弊。與時宜之。唯聖人為能通其意。執理者膠瑟聚訟。不遠人情。徇情者稊稗綿絕。不中天理。秦漢而降。君子無取焉。遼本朝鮮故壤。箕子八條之教。流風遺俗。益有存者。自其上世。緣情制宜。隱然有尚質之風。遙輦胡刺。可汗制祭山儀。蘇可汗制瑟瑟儀。阻午可汗制柴冊再生儀。其情朴。其用儉。敬天恤灾。施惠本孝。出於悃忱。殆有得於膠瑟。

聚訟之表者太古之上推輪五禮何以異茲太宗克晉稍用漢禮  
今國史院有金陳大任遼禮儀志皆其國俗之故又有遼朝禘禮  
漢儀為多別得宣文閣所藏耶律儼志視大任為加詳存其略著  
於篇

古藤森密亦一代鉅手

樂志

遼有國樂有雅樂有大樂有散樂有鏡歌橫吹樂舊史稱聖宗興  
宗咸通音律鼓氣歌辭舞節徵諸太常儀鳳教坊不可得按紀志  
遼朝禘禮參考史籍定其可知者以補一代之闕文嗚呼成詔夏  
武之樂聲亡書逸河間作記史遷因以為書寥寥希哉遼之樂觀  
此足矣

勃率之氣磊落之風感慨之意此贊成班登馬矣



*[Faint bleed-through text from the reverse side of the page]*

儀衛

遼太祖奮自朔方。太宗繼志述事，以成其業。於是舉渤海，立敬塘，破重貴，盡致周秦兩漢隋唐文物之遺餘，而居有之路車法物，以隆等威。金符玉璽，以布號令。是以傳至九主，二百餘年，豈獨以兵革之利，士馬之強哉？文謂之儀武，謂之衛，足以成一代之規摹矣。考遼所有輿服符璽儀仗，作儀衛志。

沈君房曰：摹寫有生氣。即歲歷落而警思英采，咄咄逼人。

食貨

契丹舊俗其富以馬其疆以兵縱馬於野弛兵於民有事而戰曠  
 騎介夫卯命辰集馬逐水草人仰漣酪挽強射生以給日用糗糧  
 芻芡道在是矣以是制勝所向無前及其有國內建宗廟朝廷外  
 置郡縣牧守制度日增經費日廣上下相師服御浸盛而食貨之  
 用斯為急矣於是五京及長春遼西平州置鹽鐵轉運度支錢帛  
 諸司以掌出納其制數差等雖不可悉而大要散見舊史若農穀  
 租賦鹽鐵貿易坑冶泉幣群牧逐類採撫緝而為篇以存一代食  
 貨之略

從朴陋簡易。漸向開廣文明。極力追寫。行文絕有次第。而迎  
撓逗落之間。更有深思。儼然與諸史公並垂不朽。良非易也。

刑法

刑也者。始於兵。而終於禮者也。鴻荒之代。生民有兵。如蠶有螫。自  
衛而已。蚩尤惟始作亂。斯民鴟義。姦宄並作。刑之用。豈能已乎。帝  
堯清問下民。乃命三后。恤功於民。伯夷降典。折民惟刑。故曰刑也。  
者。始於兵。而終於禮者也。先王順天地四時。以建六卿。秋刑官也。  
象時之成物焉。秋傳氣於夏。變色於春。推可知也。遼以用武立國。  
禁暴戢姦。莫先於刑。國初制法。有出於五服三就之外者。兵之勢  
方張。禮之用未遑也。及阻午可汗。知宗室雅里之賢。命為夷離歷  
以掌刑辟。豈非士師之官。非賢者不可為乎。太祖太宗。經理疆土。

卷三十三 刑法  
大求堂

擐甲之士。歲無寧居。威克厥愛。理勢然也。子孫相繼。其法互有輕重。中間能審權宜。終之以禮者。惟景聖二宗為優耳。

沈長升曰。典引古確。

始兵終禮。世代如斯。非獨遼為然也。存不得已之心。而又擇賢者為士師。庶幾清明之化。立論大有關係。

表

世表

天開於子。地闢於丑。人生於寅。天地人之初。一焉耳矣。天動也有恒。度地靜也有恒。形人動靜無方。居止靡常。天主流行。地主蓄泄。二氣無往而弗達。亦惟人之所在。而界付焉。庖犧氏降。炎帝氏。黃帝氏。子孫眾多。王畿之封建有限。王政之布濩無窮。故君四方者。多二帝子孫。而自服土中者。本同出也。考之宇文周之書。遼本炎帝之後。而耶律儼稱遼為軒轅。後儼志晚出。盡從周書。蓋炎帝之裔。曰葛烏菟者。世雄朔陲。後為冒頓可汗所襲。保鮮卑山以居。號

鮮卑氏既而慕容燕破之。析其部曰宇文。曰庫莫奚。曰契丹。契丹之名。昉見於此。隋唐之際。契丹之君。號大賀氏。武后遣將擊潰其衆。大賀氏微。別部長過折代之。過折尋滅。迭刺部長涅里。立迪輦組里為阻午可汗。更號遙輦氏。唐賜國姓曰李懷秀。既而懷秀叛。唐更封楷落為王。而涅里之後曰耨里思者。左右懷秀。楷落至於屈戌。幾百年。國勢復振。至耨里思之孫曰阿保機。功業勃興。號世里氏。是為遼太祖。於是世里氏與大賀。遙輦。號三耶律。自時厥後。國日益大。起唐季。涉五代。宋二百餘年。名隨代遷。字傳音轉。此其言語文字之相通。可考而知者也。其所不可知者。有若竒首可汗。

胡刺可汗。蘇可汗。昭古可汗。皆遼之先。而世次不可考矣。據其可知者。作遼世表。

較太祖本紀。更為詳悉。彼則雜叙政事。此則單表世次故也。

皇子表

帝官天下。王者家馬。至於親九族。敬五宗。其揆一也。三代以上。封建久長。故吳魯燕蔡衛晉鄭。太史遷既著世家。又列年表。不厭其詳。自漢以降。封建寔亡。猶有其名。長世者。登世家。自絕者。置列傳。然王子侯。猶可以年表也。班固以為文無寔。併諸侯。削年而表世。君子。避之。自魏以降。不帝不世。王侯身徒數封。朝不謀夕。於是列而傳之。功不足以垂法。罪不足以著戒。碌碌然。抑又甚焉。今摘其功罪傑然者。列諸傳。叙親親之恩。敬長之義。而無他。可書者。略表見之。為皇子表。

後代封建之典。浸不及古。讀此表。不勝世變之感。

公主表

春秋之法。王姬下嫁。書干策。以魯公同姓之國。為之婚。主故爾。古者婦諱不出門內。言不出梱。公主悉列於傳。非禮也。然遼國專任外戚。公主多見記傳。間不得不表見之。禮男女異長。不當與皇子同列。別為公主附表。

先說公主。不當列傳。後說時制。故附見於表。有本有末。文特古峭廉潔。

皇族表

遼太祖建國。諸弟窺覷。含容誘掖。弗忍致辟。古聖人猶難之。雖其  
 度量恢廓。然經國之慮遠矣。終遼之世。其出於橫帳五院六院之  
 間者。大慙。固有元勳寔多。不表見之。莫知源委。作皇族表。  
 趙無敬曰。以太祖容宥諸弟。為經國遠慮。此論人所未發。  
 功罪不相掩。宜表之以為鑒戒。



外戚表

漢外戚有新室之患。晉宗室有八王之難。遼史耶律蕭氏十居八。九宗室外戚勢分力敵。相為唇齒。以翰邦家。是或一道。然以是而。典亦以是而亡。又其法之弊也。契丹外戚其先曰二審密氏曰拔里曰乙室已。至遼太祖娶述律氏。述律本回鶻糯思之後。大同元年太宗自汴將還。留外戚小漢為汴州節度使。賜姓名曰蕭翰。以從中國之俗。由是拔里乙室已述律三族皆為蕭姓。拔里二房曰大父少父乙室已亦二房曰大翁小翁。世宗以舅氏塔列葛為國舅別部三族世預北宰相之選。自太祖神冊二年命阿骨只始也。

聖宗合拔里乙室已二國舅帳為一與別部為二此遼外戚之始末也作外戚表

引漢晉為言根據鑿鑿自起手數語便已斷盡後只順叙始末諸史多有此体格

遊幸表

朔漠以畜牧射獵為業猶漢人之勸農生生之資於是乎出自遼有國建立五京置南北院控制諸夏而遊田之習尚因其舊太祖經營四方有所不暇穆宗天祚之世史不勝書今授司馬遷別書封禪例列於表觀者固足以鑒云作遊幸表辭旨嚴正

部族表

○司馬遷作史記叙四裔於篇末秦漢以降各有其國彼疆此界道  
 里云邈不能混一寰宇周知種落鄰國聘貢往來馬能歷覽或口  
 傳意記模寫梗槩耳遼接五代漢地遠近載諸簡冊可考西北沙  
 漠之地樹菴五穀衣服車馬禮文制度文為土產品物得其粗而  
 失其精部落之名姓氏之號得其音而未得其字歷代踵訛艱於  
 考索遼氏與諸部相通往來朝貢及西遼所至之地見於紀傳亦  
 豈少也哉其事則書於紀部族則列於表云  
 史記置四裔於傳末夷之也脫脫繫部族于世表所以矯子長

之意。而詞旨婉委。寄寓甚遠。

屬國表

周有天下。不期而會者八百餘國。遼居松漠。最為疆盛。天命有歸。建國改元。號令法度。皆遵漢制。命將出師。臣服諸國。人民皆入版籍。貢賦悉輸。內帑東西。朔南何啻。萬里視古。起百里國。而致太平之業者。亦幾矣。故有遼之盛。不可不著作屬國表。寫得。喬皇。

列傳

后妃

論曰。遼以鞍馬為家。后妃往往長於射御。軍旅田獵。未嘗不從。如  
 應天之奮擊。室韋承天之御戎。澶淵仁懿之親破重元。古所未有。  
有鄙之之意  
 亦其俗也。靖安無毀。無譽。齊天巧思。乃奢侈之漸。宣懿度曲。知音  
 豈致誣。鱗之階乎。文妃能歌詩。諷諫。而謂謀私其子。非矣。若簡憲  
 之艱危。保孤懷節之從容。就義雖烈。丈夫何以過之。欽。哀。狠。桀。賊  
 殺嫡后。而興宗不能防閑其母。惜哉。  
 亦其俗也。一語消多少。女戎之禍。以下諸評。頓挫抑揚。可謂曲

而當矣。

義宗平五陰

論曰。自古新造之國。一傳而太子讓。豈易得哉。楊遠之義宗。可謂盛矣。然讓而見疑。豈不兆於建元稱制之際乎。斯則一時君臣昧於禮制之過也。東書浮海寄跡他國。思親不忘。問安不絕。其心甚有足諒者。馬觀其始。慕泰伯之賢。而為遠適之謀。終疾陳恒之惡。而有請討之舉。志趣之卓。蓋已見於早歲先祀孔子之言歟。善不令終。天道難詰。楊得非性刻嗜殺之所致也。雖然。終遼之代。賢聖總統。皆其子孫。至德之報。昭然在茲矣。

有讓德者。食報遠亘古而然。此論推闡曲至。旨潔詞脩。稱雅構。

矣

李胡喜隱

論曰。李胡殘酷驕盈。太祖知其不才而不能教。太后不知其惡而溺愛之。初以屋質之言。定立世宗。而復謀廢立。子孫繼以逆誅。并及其身。可哀也已。夫自太祖之世。刺葛安端。首倡禍亂。太祖既不誅。又復用之。固為有君人之量。然惟太祖之才。足以駕馭庶子。其可也。李胡而下。宗王反側。無代無之。遼之內難。與國始終。厥後嗣君。雖嚴法以繩之。卒不可止。烏虜創業。垂統之主。所以貽厥孫謀者。可不審歟。

推本太祖。具有識力。





晉王

論曰天祚不君。臣下謀立其子。適以殺子。赦盧幹重君父之命。不  
亡而死。申生其恭矣乎。  
筆意絕似龍門。

耶律曷魯

論曰。曷魯以肺腑之親。任帷幄之寄。言如著龜。謀成戰勝。可謂算  
 無遺策矣。其君臣相得之誠。庶吳漢之於光武歟。夫信其所可信。  
 智也。太祖有焉。故曰惟聖知聖。惟賢知賢。斯近之矣。  
 善信稱智。義可不刊。

耶律曷魯、蕭敵魯、耶律斜捏赤、耶律欲穩、耶律海里、耶律敵  
 刺、蕭痕、篤康、默記、韓延徽、韓知古、耶律靚烈、耶律鐸臻、王郁、  
 耶律箇魯窘。

論曰：神冊初元，將相大臣，拔起風塵之中，翼扶王運，以任職取名  
 者，固一時之材，亦由太祖推誠御下，不任獨斷，用能總攬群策，而  
 為之用歟！其投天際而列功庸，至有心腹耳目手足之諭，豈偶然  
 哉！討党項，走敵魯，平刺葛，定渤海，功亦偉矣。若默記治獄不寃，頗  
 得持論不撓，廷傑立紀，陳紹勳秉節而死，圖魯窘料敵制勝，豈  
 器博者無近用道長者，其功遠歟！稱為佐命，固宜。

寫明良會合之奇。千載如見。

耶律解里、耶律拔里得、耶律朔古、耶律魯不古、趙延壽、高模  
翰、趙思溫、耶律漚里思、張礪。

論曰、初晉因遼之兵而得天下。故兼臣禮而父事之。割地以為壽。  
輸帛以為貢。未久而會同之師次滹沱矣。豈羣帥貪功。黷武而  
致然歟。抑所謂信不由衷也哉。模翰以功名自終。可謂良將。若延  
壽之勲雖著。至於覬覦諸位。謬矣。利令智昏。固無足議。若乃成末  
業以虧儔功。如解里者。何議焉。  
頓跌搖宕。文情特妍。

二十一 定命 卷三十三 耶律 三十五 大來堂

*[Faint bleed-through text from the reverse side of the page]*

耶律屋質耶律吼耶律安搏峭拔耶律注耶律顏昱耶律撻烈  
 贊曰立嗣以嫡禮也太宗崩非安搏吼注謀而克斲策立世宗非  
 屋質直而能諫杜太后之私折李胡之暴以成橫渡之約則亂將  
 誰定四臣者庶幾春秋首止之功哉  
 以反跌見奇結撰有力

耶律夷曷葛蕭海瓌蕭護思蕭思温蕭繼先

論曰。嗚呼。人君之過。莫大於殺無辜。湯之伐桀也。數其罪曰。並告無辜於上下。神祇。武王之伐紂也。數其罪曰。無辜顛天。堯之伐苗民也。呂侯追數其罪曰。殺戮無辜。迹是言之。夷曷葛之諫。廩廩庶幾。古君子之風矣。雖然。善諫者不諫於已然。益必先得於心術之微。如察脉者。先其病而治之。則易為功。穆宗沈湎失德。益其資富。疆之勢以自肆久矣。使羣臣於造次動作之際。此諫彼諍。提而警之以防其甚。則亦詎至是哉。於以知護思思温處位優重。耽祿取容。真鄙夫矣。若海瓌之折獄。繼先之善治。可謂任職臣歟。

先病而治。可稱醫國名言。

宗昉耶律賢適女里郭襲耶律阿沒里

論曰。景宗之世人望中興。豈其勤心庶績而然。蓋承穆宗營虐之餘。為善易見。亦由羣臣多賢。左右弼諧之力也。室昉進無逸之篇。郭襲陳諫獵之疏。阿沒里請免同氣之坐。所謂仁人之言。其利溥哉。賢適忠介。亦近世之名臣。女里貪狠。後人所當取鑑者也。進言難。受言更難。美其臣政。彰其君之善也。

張儉、邢抱璞、馬德臣、蕭朴、耶律八哥。

論曰。張儉名符帝夢。遂結主知。服弊袍不易。志敦薄俗。功著兩朝。世稱賢相。非過也。邢抱璞甄別守令。大愜人望。兩決滯獄。民無冤濫。馬得臣引盛唐之治。以諫其君。蕭朴痛皇后之誣。至於嘔血。四人者皆以明經致位。忠蓋若此。宜矣。聖宗得人於斯。為盛先分叙而總斷之。又歸到人主之能得人。甚有體制。



二十一 史論 卷三十一 耶律室魯 四十一

耶律室魯王繼忠蕭孝忠陳昭哀蕭合卓

論曰統和諸臣名昭王室者多矣室魯拜樞密使朝野相慶必有  
得民心者繼忠既不能死國雖通南北之和有知人之鑑奚足尚  
哉孝忠昭哀皆有可稱者合卓臨終教蕭朴毋舉勝已者樞密其  
誤國之罪大矣

侯幾道曰一抑一揚各有輕重衡量之筆史裁所貴

十一 史論 卷三十一 耶律室魯 四十一

耶律隆運耶律勃古哲蕭陽阿武白蕭常哥耶律虎古  
論曰德讓在統和間位兼將相其克敵制勝進賢輔國功業茂矣  
至賜姓名主齊晉抑有寵於太后而致朕歟宗族如德威平黨項  
滌魯完宗祀制心不苟合家敬益振豈無所自哉若勃古之忠陽  
阿之孝武白之直亦樹樹乎一代之良臣矣  
侯硯德曰諸臣勲業品行洵可合祀信史一字之褒榮踰章袞  
非克有其內者曷能僭列

耶律隆運耶律勃古哲蕭陽阿武白蕭常哥耶律虎古

論曰德讓在統和間位兼將相其克敵制勝進賢輔國功業茂矣

至賜姓名主齊晉抑有寵於太后而致朕歟宗族如德威平黨項

滌魯完宗祀制心不苟合家敬益振豈無所自哉若勃古之忠陽

阿之孝武白之直亦樹樹乎一代之良臣矣

侯硯德曰諸臣勲業品行洵可合祀信史一字之褒榮踰章袞

非克有其內者曷能僭列

耶律休哥耶律斜軫耶律奚低耶律學古

論曰宋乘下太原之銳以師圍燕繼遣曹彬楊繼業等分道來伐是兩役也遼亦岌岌乎殆哉休哥奮擊於高梁敵兵奔潰斜軫擒繼業於朔州旋復故地宋自是不復深入社稷固而邊境寧雖配古名將無愧矣然非學古之在南京安其反側則二將之功益亦難致故曰國以人重信哉  
內有正人則大將立功於外此意本之扣馬書生

耶律沙耶律抹只蕭幹耶律善補耶律海里

論曰當高粱翔飛之捷偏裨之將如沙與抹只既因体哥斜軫類  
見其功所謂失之東隅收之桑榆若蕭幹海里拒察割之招討古  
告海思之變則不止有戰功而已其視善補畏懦豈不優哉  
善於區別又能形容巧心妙手兼有其美

蕭撻凜蕭觀音奴耶律題子耶律諧里耶律奴瓜蕭柳高勳  
奚和朔奴蕭塔烈葛耶律撤合

論曰遼在統和間數舉兵伐宋諸將如耶律諧里奴瓜蕭柳等俱  
有降城擒將之功最後以蕭撻凜為統軍直抵澶淵將與宋戰撻  
凜中弩我兵失倚和議始定或者天厭其亂使南北之民休息者  
耶

不無詡辭末一語洵為仁人之言

耶律合住、劉景、劉六符、耶律褒、履、牛溫舒、杜防、蕭和尚、耶律  
合理、只、耶律頗的。

論曰。耶律合住安邊講好養兵息民。其慮深遠矣。六符啟蒙邀功。  
豈國家之利哉。牛杜頗的合里只輩。銜命出使。幸不辱命。褒履殺  
人婢以求婚。身負罪釁。畫其主容以冀免死。亦可醜也。  
開端大議。尤稱老成。

二十一 史記 卷三十三 蕭孝 四十六 大東堂

蕭孝穆蕭蒲奴耶律蒲古夏行美

論曰不有君子其能國乎方其擒延琳定遼東合說一時諸將之功偉

矣宜其撫劍抵掌賈餘勇以威天下也抽蕭孝穆之諫南侵其意防

何其弘遠歟是豈瞋目語難者所能知哉至論移風俗為治之本

親煩碎為失大臣體又何其深切著明也為國寶臣宜矣孝先預

弑仁德之謀猶依臣社以逃重灌為國巨蠹雖功何議焉

態度悠揚意致昭宥往復數過愈見其妙

二十一 史記 卷三十三 蕭孝 四十六 大東堂

蕭敵烈、耶律盆奴、蕭敵押、耶律資忠、耶律瑤質、耶律弘古、高王、耶律的祿、大康人。

論曰、高句驪弑其君誦而立詢、遼興問罪之師、宜其簞食壺漿以迎、除舍以待、而迺乘險旅拒、俾智者竭其謀、勇者窮其力、雖得其要領、而顛顛獨居一海之中、自若也、豈服人者以德、而不以力歟、况乎殘毀其宮室、係累其民人、所謂以燕伐燕也、歎嗚呼、朱崖之棄、捐之之力也、敵烈之諫有焉、正言斲辭、義例凜然。



耶律庶成、楊哲、耶律韓留、楊佶、耶律和尚。

論曰。庶成定法令治民者不容高下其手。庶箴雖嘗表請廣姓氏。以秩典禮。其隨勢俯仰。則有愧於其子蒲魯矣。楊哲為上寵遇。封王爵。而功業不少。概見。然得愛民治國之要。其楊佶哉。

飄。祈。多。韵。

蕭阿刺耶律義先蕭陶隗蕭塔刺葛耶律致祿

論曰忠臣惟知有國而不知有身故惡惡不避其患阿刺以諂諛  
不法拆蕭軍陶隗以用必基禍言阿思塔刺葛以忍行不義徒自  
取赤族之罪責察割其心可謂忠矣言一出而禍輒隨之吁邪正  
既不辯國焉得無亂哉  
侯雲俱曰勅挺不支結語堪礪齧座

*[Faint bleed-through text from the reverse side of the page, including characters like '論曰', '韓八', '帝微行', '才始見售', '及任以事', '落落知大體', '不負上之', '知矣', '唐古才哲', '經略西北邊', '勸農積粟', '訓練士卒', '敵人不敢犯', '玦', '以忠直見稱於上', '僕里篤以幹敏為宰相佐', '在鎮俱以獄空聞之', '數人者', '豈特甲冑之士', '抑亦李牧程不識之亞歟', '散澹參差', '古意歷落']*

直叙

耶律韓八。耶律唐古。蕭木哲。耶律玦。耶律僕里篤。

論曰。韓八因帝微行。才始見售。及任以事。落落知大體。不負上之知矣。唐古才哲。經略西北邊。勸農積粟。訓練士卒。敵人不敢犯。玦以忠直見稱於上。僕里篤以幹敏為宰相佐。在鎮俱以獄空聞之。數人者。豈特甲冑之士。抑亦李牧程不識之亞歟。散澹參差。古意歷落。

二十一 史記卷三十三

蕭奪刺蕭普達耶律侯哂耶律古昱耶律獨撫蕭韓家蕭烏野

野

論曰烏古敵烈大部也奪刺為統軍克敵有功普達居詳穩悅以使人西北重鎮也侯西巡邊以廉稱古昱鎮撫而民富獨撫駐金肅而夏人不敢東獵噫部人內附方面以寧雖朝廷處置得宜而諸將之力抑亦何可少哉

公平之論

二十一 史記卷三十三

蕭奪刺蕭普達耶律侯哂耶律古昱耶律獨撫蕭韓家蕭烏野

五十一

史記卷三十三

蕭惠蕭遷魯蕭國玉耶律鐸軫  
論曰始遼之謀復三關也蕭惠贊伐宋之舉而宋人增幣請和  
於一勝移師西夏而勇智俱廢敗潰隨之豈非貪小利迷遠圖而  
然况所得不償所亡利果安在哉同時諸將撫綏遠圍若迂魯忠  
勤不伐鐸軫高情雅韻鐸魯幹雖廉不逮蕭惠而無邀功啟蒙之  
罪亦庶乎君子之風矣  
大意與合住贊相同而機杼尤勝

蕭惠蕭遷魯蕭國玉耶律鐸軫

論曰始遼之謀復三關也蕭惠贊伐宋之舉而宋人增幣請和  
於一勝移師西夏而勇智俱廢敗潰隨之豈非貪小利迷遠圖而  
然况所得不償所亡利果安在哉同時諸將撫綏遠圍若迂魯忠  
勤不伐鐸軫高情雅韻鐸魯幹雖廉不逮蕭惠而無邀功啟蒙之  
罪亦庶乎君子之風矣  
大意與合住贊相同而機杼尤勝

*[Faint bleed-through text from the reverse side of the page]*

耶律化哥。耶律幹臘。耶律速撒。蕭阿魯帶。耶律那也。耶律阿魯掃古。耶律世良。

論曰。大之懷。小也。以德制之也。以威德不足。懷威不足。制而欲服人也。難矣。化哥利俘獲。而諸蕃不附。阿魯掃古。誤擊磨古斯。而阻卜叛命。是皆喜於一旦之功。而不圖後日之患。庸何議焉。若幹臘之戒。深入速撒之務安集。亦鐵中之錚錚者耶。持論正大。可破佳兵好戰之惑。

耶律弘古。耶律馬六。蒲滴測。耶律適祿。耶律陳家奴。耶律特。麼。耶律仙童。蕭素颯。耶律大悲奴。

論曰。遼自神冊而降。席富疆之勢。內脩法度。外事征伐。一時將帥。震揚威靈。風行電埽。討西夏。征党項。破阻卜。平敵烈。諸部震懾。聞鞞鼓而膽落。股弁斯可謂雄武之國矣。其戰勝攻取。必有奇謀秘計。神變莫測者。將前史所載。未足以發之邪。抑天之所授。衆莫與爭。而能然耶。雖然。兵者凶器。可戢而不可玩。爭者末節。可遏而不可召。此黃石公所謂柔能制剛。弱能制疆也。又况乎仁者之無敵哉。遼之君臣。智足守此。金人果能乘其敝而躡其後乎。是以於耶。

律弘古輩諸將不能無慨然也

以戢兵過爭為念。諒然有道之言。金乘遼故。覆轍可鑒。孰謂勝強可長恃也。讀此令人益省。

前段寫得萃勃後半轉入溪細。終以咏嘆。可謂淋漓滿志者矣。

耶律仁先耶律良蕭韓家奴蕭德蕭惟信蕭樂音奴耶律敵烈姚景行耶律阿思

論曰。灤河之變。重元擁兵行。幄微仁先等。道宗其危乎。當其止行。北南院召塔刺兵。以靖大難。功宜居首。良以反謀。白太后韓家奴。以逆順降。奚人德與阿思。殺涅魯古。皆有討賊之力。馬仁先齊名。休哥。勲德兼備。此其一節歟。筆神閃忽。如風雨之驟至。



耶律幹特刺、孩里實景庸、耶律引吉、楊績、趙徽、王觀、耶律喜孫。

論曰孩里引吉之為臣也。當乙辛擅權。蕭革貪黷之日。雖與同官。而能以正自處。不少阿唯。其過人遠矣。傳曰歲寒知松柏之後彫。二子有焉。若幹特刺之戰功。實景庸之讞獄。楊績之忠告。亦賢矣。夫。詳略有法。更饒雋冷之致。

蕭元納耶律儼劉仲耶律胡呂

論曰元納當道宗昏惑之會擁佑皇孫使乙辛姦計不獲復逞而  
 遼祚以續比之屋質立穆宗非溢美也儼以俊才蒞政所至有能  
 譽纂述遼史具一代治亂亦云勤矣但其固寵不能以禮正家惜  
 哉劉仲三為大理民無冤抑一登戶部上下兼裕至與耶律玠並  
 稱忠直不亦宜乎  
 森鬱古勁語語爽心

二十一 史記卷之二十三 蕭嚴

*[Faint bleed-through text from the reverse side of the page]*

蕭嚴壽。耶律撒刺。蕭速撒。耶律捷不也。蕭捷不也。蕭忽古。耶律石柳。

論曰。易言履霜。堅冰至。謹始也。使道宗能從嚴壽撒刺之諫。后何得而誣太子。何得而廢哉。連刺捷不也。以忠言見殺。國欲無亂。得乎。石柳之書。亦幸出於乙辛既敗之後。獲行其說。有國家者。不可不知人哉。

確論

二十一 史記卷之二十三 蕭嚴 五十八 大德堂

耶律崇古。蕭得里底。蕭酬幹。耶律章奴。耶律木者。

論曰。遼末同事之臣。其善惡何相遠也。崇古骨鯁不屈權要。兩鎮

烏古。恩威並著。酬幹平亂渤海。又以討叛力戰而死。忠可尚矣。得

里底。縱女直而不討。寢變告而不聞。其蔽主聰明為國階亂。莫斯

之甚也。章奴木者乘時多艱。潛謀廢立。將求寵幸。以犯大逆。其得

免於天下之戮哉。

起頭二句是案。下分叙善惡之事。而相遠意已在其中。內條理秩

然。

*[Faint bleed-through text from the reverse side of the page]*

蕭陶蘇幹耶律阿息保蕭乙薛蕭胡篤

論曰。甚矣承平日久。上下狃於故常之可畏也。天慶之間。女直方

熾。惟陶蘓幹明於料敵。善於忠諫。惜乎天祚痼蔽。不見信用。阿息

保不死。阿陳之難。乙薛甘忍。羅彥倫之執。大節已失矣。他有所長。

亦奚足取。胡篤以游畷逢迎天祚。而隳國政。可勝罪焉。

狃安之禍。不可勝言。天祚病根。全在乎此。故史臣特指以警人。

非渺論也。

蕭奉先李處溫張琳耶律余覲  
論曰遼之亡也雖孽降自天亦柄國之臣有以誤之也當天慶而  
後政歸后族奉先祖天祚防微之計隔晉王非罪之誅夫山之禍  
已見於此矣處溫逼魏王以借號結宋將以賣國迹其姦佞如出  
一軌嗚呼天祚之所倚毗者若此國欲不亡得乎張琳妮妮守位  
余覲反覆自困則又何足議哉  
情罪昭揭可作諸姦讞辭



能吏

論曰。孟子謂民為貴。社稷次之。司牧者當如何以盡心。公鼎奏罷。完隄。役以息民。拒公主假貸。以守法。單騎行郡。化盜為良。庶幾召杜之美。文知易州。雨暘應禱。蝗不為災。人望為民。不避囚繫。判度。夫公私兼裕。亦卓乎未易及已。鐸魯幹吏畏民愛。楊遵勗決事如流。真能吏哉。

求能吏於迂腐之世難。求能吏於變故之日尤難。不真故耳。史臣以一字結醒此贊。必加之者無過情。當之者無慙色。斯為名實相副。不然。畫曆鼎也。安見其為能哉。



論曰。卓行。高識。隱固未易為也。而亦未可輕以與人。若札制謝職。不談時務。官奴兩辭。節鎮蒲离。不召而不赴。雖未足謂之隱。然在當時。能知內外之分。甘於肥遯。不猶愈於求富貴利達而為妻妾羞者哉。故有稱卓行可也。

世人重廊廟。不重泉石。故凡不掛仕籍之人。皆予之以隱。良可嗤也。隱必有隱之德。有隱之才。有隱之地。有隱之時。而後隱成。馬蓋洗耳食薇為隱之德。金馬白衣為隱之才。赤松桐江為隱之地。三分五季為隱之時。有其才而無其德。恐蹈釣譽之譏。有

其時而無其地。恐來不密之誚。甚矣隱之難言也。有此快論。內外之分明。名實之途。判矣。

烈女

論曰。陳氏以經教二子。並為賢相。耶律氏自潔不嫁。居閨闈之內。而不忘忠其君。非賢而能之乎。三蕭氏之節。雖烈丈夫有不能者矣。

纏纏而談。齒頰皆芬。

論曰方技術者也苟精其業而不畔於道君子必取焉直魯古王  
白取律敵魯無大得失錄之宜矣魏璘為察割卜謀逆為菴撒葛  
卜借立罪在不貫雖有可長亦奚足取哉存而弗削為來者戒  
意在垂鑒見道之言

方技

論曰方技術者也苟精其業而不畔於道君子必取焉直魯古王  
白取律敵魯無大得失錄之宜矣魏璘為察割卜謀逆為菴撒葛  
卜借立罪在不貫雖有可長亦奚足取哉存而弗削為來者戒  
意在垂鑒見道之言

伶官

伶官之微者也。五代史列鏡新磨於傳。是必有所取矣。遼之伶官。當時固多。狀能因恢諧示諫。以消未形之亂。惟羅衣輕耳。孔子曰。君子不以人廢言。是空傳。侯智舍曰。清新雋永。如聞午夜之歌。

宦官

論曰。名器所以矚天下。非賢而有功。則不可授。况宦者乎。繼恩為內謁者。安仁為黃門令。似矣。何至溺於私愛。而授以觀察使。大將軍邪。易曰。負且乘。致寇至。此安仁所以不克有終。繼恩幸而免。歟。侃侃不磨。

姦臣

論曰。舜流共工。孔子誅少正卯。治姦之法嚴矣。後世不是之察。反以為忠而信任之。不至於流毒宗社而未已。道宗之於乙辛是也。當其留仁先。討重元。若真為國計者。不知包藏禍心。待時而發耳。一旦專權。又得孝傑。燕哥十三為之腹心。故肆惡而無忌憚。始誣皇后。又殺太子及其妃。其禍之酷。良可悲哉。嗚呼。君之所親。莫皇后太子若也。姦臣殺之而不知。羣臣言之而不悟。一時忠謹。廢戮幾盡。雖黑山親見官屬之盛。僅削一字王號。至私藏甲兵。然後誅之。吁。乙辛之罪。固非一死可謝。天下抑亦道宗不明。無斷。有以養

成之也。如蕭余里也。輩忘君黨惡。以饗富貴。幸而死諸牖下。其得免於遺臭之辱哉。按其罪狀。追戮無已。筆端固有斧鉞。

逆臣

論曰。遼之秉國鈞。握兵柄。節制諸部帳。非宗室外戚不使。豈不以為帝王久長萬世之計哉。及夫肆叛逆。致亂止。皆是人也有國家者。可不深戒矣乎。侯彥舟曰。援筆疾書。意盡而止。

高麗西夏系治

論曰高麗西夏之事。遼雖嘗請婚下嫁。烏之以得其國志哉。三韓  
接壤。反覆易知。涼州負遠。納叛侵疆。乘隙輒動。貢使方往。事業隨  
生。與師問罪。屢煩親征。取勝固多。敗亦貽悔。昔吳趙咨對魏之言  
曰。大國有征伐之兵。小國有備禦之固。豈其然乎。先王柔遠以德  
而。不以力尚矣。遼亡求援二國。雖能出師。豈金敵哉。  
說諸夷叛服不常情形。如画德力一辨。斯云援原之識。



國語解叙

史自遷固以迄晉唐其為書雄渾浩博讀者未能盡曉於是裴駰顏師古李賢何超董衡諸儒訓詁註釋然後制度名物方言奇字可以一覽而周知其有助於後學多矣遼之初興與奚室章密邇上俗言語大槩近俚至太祖太宗奄有朔方其制雖參用漢法而先世奇首遥輦之制尚多存者子孫相繼亦遵守而不易故史之所載官制宮衛部族地理率以國語為之稱號不有註釋以辨之則世何從而知後何從而考哉今即本史參互研究撰次遼國語解以附其後庶幾讀者無齟齬之患云

二  
一  
史  
解

卷  
三  
國  
語


七  
十  
二

大  
史  
解

二十一 論贊 卷三十一 言 九

立志高雅。卒成懿典。北方之巨靈也。

*[Faint bleed-through text from the reverse side of the page, including characters like '立志', '高雅', '卒成', '懿典', '北方', '巨靈']*



三志高...  
本成...  
典...  
北...  
方...  
之...  
書...  
記...

